

寧陵縣志卷之二

地理志

說者謂地理之志創於班氏而不知區土辨貢夏王  
允為鼻祖然第統紀大綱若今郡邑之志臚列井  
井至詳且悉也其井井者何匪直曰考古証今騷人  
雅士藉是為憑弔之資而已凡居官之職守山川之  
平陂人心好尚之貞淫土宜財用之豐嗇莫不於是  
乎辨之是故地理有記文詞不必皆雅馴而條目不  
厭夫繁曠也作地理志

寧陵縣志

卷之二 地理

沿革表

按寧陵之建置沿革舊志考覈頗為精詳今因之  
寧陵世傳以為葛地唐虞以前屬豫州其邑里有無  
不可考夏之末葛伯始見經傳至商則無聞焉按左  
氏葛人來朝則葛之為名歷周末改疑湯誅仇餉者  
而未絕其祀故周亦因之戰國以後則班班載籍  
矣乃作沿革表使後之人知所據云 存舊

夏葛伯國

前地理云葛在陳留之東一統志云葛在  
寧陵縣北一十五里古葛伯國河南總志載  
鄆城臨潁俱有葛伯城而鄆師為兩亳且有景山  
未詳孰是

周葛左傳桓公十五年夏二月人牟人葛人來朝杜

戰甯陵城屬魏

秦甯陵城屬碭郡一統志云甯陵即寧陵秦碭縣地漢書云碭者梁郡之縣

漢甯陵縣漢元狩初置甯陵屬豫州陳留部王莽改為康善縣

東甯陵縣屬豫州部梁國

已吾縣屬交州部陳留郡漢書云已吾在寧陵縣西南二十里舊為縣北齊省入下邑按東漢至

東魏無慮三百年中間已吾之名不見紀載豈省入寧陵抑存其名而廢其邑也然不可考矣

三甯陵縣屬豫州部梁國

晉甯陵縣屬豫州部梁國

寧陵縣志 卷之二 地理

南甯陵縣屬南豫州部南梁郡

後甯陵縣屬兗州部譙郡

東已吾縣屬西兗州部馬頭郡蓋更寧陵之名為已吾與

隋甯陵縣開皇元年復置甯陵屬豫州部梁郡

唐甯陵縣屬河南道宋州睢陽郡初城之地省入焉

宋甯陵縣屬南京應天府按宋史崇寧四年割應天之

二年甯陵復隸拱州大觀四年甯陵隸開封府宣和二年甯陵復隸拱州六年甯陵歸南京應天府屬

金甯陵縣屬南京路歸德府大定二年從於汴河

元甯陵縣屬河南江北道歸德府

明寧陵縣

屬開封府歸德州嘉靖二十四年州復為府寧陵直隸歸德矣

國朝寧陵縣

仍隸歸德府

從來更置改屬民不寧居班固以邑無定名民無定里徵世變豈虛語哉則今之安居而樂業者其吾

聖天子之賜也歟

封建表

他邑不必皆志封建也而寧陵獨志之者何仍舊志也

三代葛伯爵夏所封邑也然享國滋久則誼辟必多惜爵微世遠史畧之耳商書紀湯革命之始故仇餉者

寧陵縣志

卷之二

地理

三

獨聞焉然建國與除國之年亦不可考

戰國信陵君 公子無忌也按杜佑云魏信陵君邑果封邑耶抑食邑耶然不可考矣

魏寧陵君 魏咎魏庶公子也初立為寧陵君秦滅魏為庶人陳勝之王也咎往從之勝使魏人周市

狗魏地下勝欲立市為魏王市曰天下昏亂忠臣乃見今天下共畔秦其誼必立魏王後乃可齊趙亦使車五十乘立市為王市曰辭迎魏咎于陳五及陳王乃遣咎立為魏王及章邯破陳移擊魏市求救于齊楚齊遣田巴楚遣項它救之不勝遂克魏周市死之咎不忍殃其氏迺與邯約降約甫定而自殺

漢寧陵夷侯 初呂臣以舍人起留以封侯千戶封二十七年

漢書

戴侯 孝文十一年子戴侯謝嗣 十六年薨

息侯 孝景四年孫惠侯 嗣十七年薨

南陵公 元康四年四世孫南陵公大夫得詔復家

魏寧陵侯 曹仁操之從弟以征伐功進封陳侯增邑三千五百戶薨謚忠侯子承嗣轉封寧陵侯

南寧陵侯 王儼達以歸順功封寧陵縣五等以後無封

### 疆域

我

國家幅幘之廣千古莫及合之人一統之模散之則星羅

碁布於天地之間惟疆域辨而守土之責成以端互

### 寧陵縣志

#### 卷之二

四

相推諉之弊以絕康王之命畢公者曰慎固封守而先之以申畫郊圻其旨不深切而著明矣乎至於戶口田賦則尤以籍為定者也

縣在府治之西六十里東抵商丘縣界十八里南抵

柘城縣界四十里西抵睢州界二十里北抵考城縣

界三十里廣三十八里袤七十里為鄉者七曰長樂

曰安寧曰崇義曰中和曰來遠曰遷善曰向化北觀

京師陸路一千八百一十里水路二千三百里南抵

江寧府陸路一千一百里水路一千三百里東到商

丘縣六十里路通江南宿州南抵柘城七十里路通  
陳州西至睢州五十里路通開封府北到考城七十  
里路通山東曹縣東南到鹿邑縣一百三十里路通  
江南亳州西南到太康縣一百一十里路通南陽府  
西北到儀封縣一百一十里路通彰德府東北到山  
東單縣一百七十里路通兗州府

城

按舊志云明初週圍九里有奇成化年間知縣金璽  
割其南之半而改築約五里嘉靖十八年知縣費槃

寧陵縣志

卷之二

五

取城堞磚別用三十一年知縣石陞三十五年知縣  
楊侃相繼增修惟堞易坏以磚餘不能復舊年年帑  
補勞民傷財有損無益至萬曆年間值呂司寇家居  
慨然起修城之議排衆論之紛曉抒一已之苦心調  
停經費等項寧人無一錢之費而永免修築之害詳  
見修城書載藝文志週圍拓爲六里有奇高三丈有  
餘全用磚包門制橋梁煥然改觀工始於知縣李庭  
訓告成於知縣薛大中歷三令約數年而民不知役  
又著有城守書邑人遵爲成法至崇禎末年流寇猖

縣省陷郡破人多逃竄城半拆毀比時縣令缺員典  
史劉大才代管縣事糾衆復修雖堅完不能如初屢  
經盜賊攻圍守禦無恙皆大才之力也余讀修城書  
呂司寇排衆論而議修築往復開說慮遠思深一片  
苦心千載如見第觀其分毫隨衆一語則當日費用  
實以身先之而謂寧人無一錢之費可乎且歷三令  
約數年爲時久矣而謂民不知役則又何也志傳信  
不傳疑未敢阿附故論及之

門

寧陵縣志

卷之二

六

南曰文明北曰鐘祥東曰延和西曰寶城樓四座水  
門二座俱南向一在旌忠廟前一在觀音寺前官水  
溝二道各濶一丈餘

池

在城下介於城濼之間週圍七里有奇濶十丈有奇  
舊志載東南隅昔因有王家墳相碍未開崇禎末年  
知縣賀懋敬剗開東南二面與別池同卽以墳前舊  
池抵償王氏池外原有護城小堤週圍一道今仍舊  
四門外板橋四座歲輒增修其必易以石庶幾一勞

永逸之道耳

堤防

按舊志云寧瀕大河每罹水患呂司寇謂有城無堤何以禦之况關廂之人豈忍爲魚經度於四關之外築堤週圍十四里高一丈五尺濶四丈五尺根係民田俱除賦稅杜便道禁芻牧頗稱堅固若是則當口之民抑何厚幸今灘塌非舊詢之父老僉曰如此者蓋數十年於茲矣議者謂不行修補將堤防之迹漸至泯沒欲行修補而勞民動衆曷可漫易舉行其說

寧陵縣志

卷之二

七

良是云

教場

舊在城北門外偏西嘉靖十四年修護城堤遂遷於南關外東共地十二畝八分七厘五毫崇禎末年知縣孟養浩又遷於東關外路北原有大廳後廳東西房門樓臺屏今無址僅存用地共八十畝

集鎮

邏岡集

在縣西北三十里

趙村集

在縣東北二十里

張口集

在縣西南三十里

陽驛集

在縣西二十里

孔家集 在縣東北二十五里  
桃園集 在縣北三十五里

溝鄉集 在縣東南二十里  
沙河集 在縣北三十里

石橋集 在縣北十里  
桃堎集 在縣東北十二里

黃岡集 在縣西南四十里  
永安集 在縣南十二里

黃家集 在縣西北三十里  
東服集 在縣東南郭內

七星村 在縣北十八里  
黃岡村 在縣南四十里

柳園村 在縣西南二十五里  
丁墻村 在縣南十五里

排墓村 在縣東北十里  
焦堎村 在縣北六里

馬頭村 在縣南八里  
繼古村 在縣東北二十里

寧陵縣志 卷之二 八

尖岡村 在縣西南三十五里  
茅岡村 在縣西南三十里

寧靜村 在縣北十五里  
鞋城村 在縣西北二十里

受益村 在縣西北三十五里  
箭頭村 在縣南四十里

唐城村 在縣北三十里  
陸城村 在縣西北十七里

紙坊村 在縣西北三里  
楮堎村 在縣北二十五里

上樓村 在縣北三十五里  
黃草村 在縣東南十里

谷岡村 在縣西北四十里  
火食店 在縣北二十里

王家店 在縣南十里  
郭家店 在縣北二十里

小店舖 在縣西北四十里  
園子村 在縣東南二十五里



形勝

平衍中隱岡阜奔騰之勢堤外顯清漣縈繞之機  
右接汴梁左通鄒魯河洛流乎西北淮泗達乎東南  
可不謂當往來之衝而都水陸之口者乎

古蹟

大棘城

在縣西北七里左傳宋華元鄭公子歸生戰於大棘即此

沙隨城

在縣北七里左傳魯成公會於沙隨晉錮欒盈即此

葛城

在縣北十五里古葛伯國

已吾城

在縣西南二十里舊為縣

寧陵縣志

卷之二

九

鎮頭岡

在縣南三十里

甯王城

在縣南關外至今遺址巋然

駝腰岡

在縣西南十里

甘露嶺

在縣西五里隋文帝幸岱至此甘露降

議事臺

在縣西南八里高丈餘左傳公會諸侯議事於此故也

黃龍井

在縣東八里甘露四年有黃龍二見於井中

聖水井

在縣北三里許居民修之相傳以為唐太宗東征時道出寧陵三軍渴甚須臾有婦人攜

二汲水桶至士馬數萬飲之不盡俄夕婦人所在

覩二桶則雙井也嘉靖間大水淤沒唯一井依  
舊蹟其水甚甘鄉人療疾禱雨多應焉作亭以  
覆之名曰聖泉今聖水夫人各號尚仍唐封之舊

黃岡寺 魏大定二年建蘇州所載寺前有黃棟樹二株不知始生何年枯而復榮今又枯焉

丁塘壩 在縣南十五里

院主壩 在縣北三十里

八角井 在縣北十五里寧靜寺中其製八角圍丈餘井底生樹數月出井居民實之

齋壩 在縣北三十里

七星壩 在縣西北三十里

齊王廟 在縣北二十里世傳齊威王朝周道卒於此居人立廟祀之

沐堤 一名隋堤在縣東十里舖官路北曹家墳後高阜歸然

寧陵縣志 卷之二

賈魯堤 元尚書賈魯築以障水遺跡隱然在縣南七里

苗公河 苗公時中三寧陵簿所疏民甚利之因以名

汴河 一名睢河當縣之衝由陳留下達於徐

石橋 在縣北十里

焦壩堆 在縣北六里

童銅壩堆 在城南二里又名童相傳包高丈餘寬四丈餘長五丈餘今上祀大士

河防

韋家河 在縣北十二里趙皮寨支河衝今壩

挑園河 在縣北三十里趙皮寨支河衝今壩

張弓河

在縣南三十里趙皮寨支河衝今堙係汴亭孔道  
鄉飲者賓路純仁創建磚橋五空有記見藝文志

八里屯河

在縣南八里趙皮寨支河衝今堙

陽驛河

在縣西二十里趙皮寨支河衝今堙

五里堡河

正德四年侍郎崔巖開今堙

縣北關河

嘉靖五年都御史盛應期開今堙

東南之民憂食者寡多水利故也余驟閱寧陵志見夫載河若干處心竊喜之及按籍而求雖深溝無有也何河之有然舊志載其衝闢頗詳意固有在未可刪也

寧陵縣志

卷之二

七

黃河集考

昭原志

明正德四年河決楊家口侍郎崔巖乃於祥符董盆口寧陵五里堡各開地四十里接黃河故道引水由鳳陽達亳州又濬孫家渡故道十餘里引水由朱仙鎮至壽州而各入於淮疏賈魯舊河四十餘里以殺水勢築梁靖口下埽以防衝決會注雨暴漲新築臺埽遂蕩然無遺矣

正德八年侍郎趙璜疏分水須水二河先因崔巖功弗就河遂衝決益甚至是璜乃於榮澤東濬分水河

鄭州西鑿須水河疏亳州河渠自是水勢漸殺不爲  
害

嘉靖五年都御史盛應期疏趙皮寨支河綿亘數百  
里以濟運道是時趙皮寨爲上流之地視河高數尺  
而其土又皆沙也隨疏隨淤久之功弗成應期憂之  
乃日夜止宿水次復益夫數萬治之益弗就百姓怨  
咨於是應期坐議免歸

嘉靖七年學士霍韜上治河疏其畧曰臣前過徐州  
聞議者欲引河自蘭陽至於宿遷以爲可殺河勢庶

徐沛不致暴溢運道不致沙淤也夫水溢徐沛猶有  
呂梁二洪爲之束捍東北諸山爲之防垣水患所及  
尙有底極若引河自蘭陽注宿遷則歸德諸處河溢  
奔潰將數郡一壑其患不止徐沛二州縣而已也上  
然其議

嘉靖三十年都御史方鍾采僉論一疏其畧曰趙皮  
寨一開河性叵測不可限量設使全流而徙不惟二  
洪涸竭有干運道而勢趨以洄則又憂在陵寢矣若  
疏孫家渡雖云省易而壽春王家密邇淮河衝決

之亦不可不慮况弘治迄今七十有五濬矣卒莫有成今聖德格天川瀆效靈舟楫通利生民莫安似主罷爲便上嘉納之

嘉靖三十二年間漕渠稍滯議者以申前說上命侍郎吳鵬來視鵬自蘭陽而南抵泗上相其地形水勢乃奏曰竊見黃河上流開濬趙皮寨約三百九十餘里計役夫一十八萬六千有奇工費鉅大實難遽圖孫家渡所淤塞者僅六里八十丈計役夫九百有奇其費省而爲力頗易取之河道亦自足用不煩別爲

措辦宜行司河者祇除淤土四尺七寸照舊不必開濬其高阜陂陀之處盡爲挑治一槩使平水小則聽其歸漕順流水大則任其泛溢平漫其河北堤障劉獸醫口張家灣筒瓦廂崔家壩等處俱應隨宜修築疏上制曰可自是開濬之議遂寢

風俗

古者大史採詩以觀民風凡奢淫儉嗇祇以一二歌詠之詞槩之不過得其大意而止且又不能不變也如曰今之民猶古之民則唐虞三代之風至今存可

也

聖天子在上輒塵

睿慮制為

聖諭十有六條布告天下而

大中丞閻公更加詳註且通以方言家諭戶曉不一而足蓋為世道人心計至悉也寧陵自漢迄今風俗淳澆不知其幾變而一統志稱忠義之風仁厚之俗即按厥舊志所引述亦無大異藉非溢美將君子有欣慕焉何由今觀之又多悍而好逞豈矯激之過積漸使然詩書禮義之氣未洽歟成王命君陳者曰爾惟風下民惟草然則剛克柔克上民者端必有所以轉移勸導之者也歲時伏臘志其槩耳

寧陵縣志

卷之二

古

正月元日

早起祀內外神拜家慶畢徧謁親友謂之拜節三日展墓

上元日

張燈燭放火花明日男出遊女歸寧日走百病

二月二日

以青灰繞布宅舍云避毒蟲稼果木以為多實

三月三日

種葫蘆梅雨宜接梅杏桃李

清明日

加土於墳墓上掛紙設牲醴名曰上墳

五月五日

食角黍飲菖蒲酒貼符插艾饋師遺女

六月六日 曝百物云虫不旺

七月十五日 插蔴穀展墓

八月十五日 供瓜餅家慶合歡謂之圓月

九月九日 賞菊饋師遺女

十月一日 展墓罷傭作

十一月冬至日 祭先遺女

十二月八日 食臘粥髡小兒

二十四日 掃舍祀竈

除夕 貼門神桃符詣墳墓迎祖先辭歲多嫁娶以為無忌

寧陵縣志 卷之二 五

土產

燕趙多慷慨之士吳越有俊秀之民皆產於土者也  
豈獨豫章之木鄧林之材已哉雖然先王底慎財賦  
不責有於無不取盈於寡唯土產有志而後居山者  
可不以魚鱉為禮居澤者可不以鹿豕為禮矣

穀類

穀 黍 稷 麥 苳 蕎麥 菊秫 芝蔴

青豆 黃豆 黑豆 綠豆

蔬類

王瓜 芥 芹 蔓青 菠菜

葫蘆 蘿蔔 白菜 地瓜 葱

蒜 韭菜 茄 西瓜 冬瓜

甜瓜 南瓜 絲瓜 眉豆 萵苣

菓類

黃李 杏 桃 柿子 胡桃

梨 棗 梅子 蘋果 花紅

石榴 甜子

木類

榆 柳 桑 槐

寧陵縣志

卷之二

六

獸類

牛 馬 驢 騾 犬

豕 貓 羊

禽類

雞 鵝 鴨 鴿